

Қазақстан Республикасы Жоғарғы Кеңесінің "Республика экономикасын тұрақтандыруға қаржылық-банкiлiк ықпалды күшейту жөнiндегi шаралар туралы" қаулысын жүзеге асыру жөнiндегi шаралар туралы

Қазақстан Республикасы Министрлер Кабинетiнiң қаулысы 1992 жылғы 2 ақпандағы N 91

Қазақстан Республикасы Жоғарғы Кеңесінің Республика экономикасын тұрақтандыруға қаржылық-банкiлiк ықпалды күшейту жөнiндегi шаралар туралы" қаулысын орындау, Мемлекеттiк бюджеттiң банкiлераралық операциялары мен кассалық орындауын қамтамасыз ету үшiн Қазақстан Республикасының Министрлер Кабинетi қаулы етедi:

1. Коммерциялық банктер апталық мерзiм iшiнде 1988 жылдың 1 қаңтарына дейiнгi КСРО Мемлекеттiк банкiнiң бұрынғы қызмет үйлерiн Қазақстан Республикасының Ұлттық мемлекеттiк банкiнiң балансына берiп, тиiстi сараптаудан кейiн олардың немесе олардың құрылтайшыларының бұрын сатып алынған немесе қайта жарақтандырылған үйлерi бойынша қаржыларын коммерциялық банктерге қайтаратын болсын.

2. Қойма және касса тораптарымен қоса қызмет үйлерiн мына төмендегi коммерциялық банктердiң балансынан Қазақстан Республикасының Ұлттық мемлекеттiк банкiнiң балансына беру қамтамасыз етiлсiн:

- Қазақ акционерлiк коммерциялық Агроөнеркәсiп банкiсiнен - филиалдары селолық жерлерде және Арқалық қаласында.

1988 жылдан 1991 жылға дейiнгi кезеңде салынған қызмет үйлерiнен екi жақтың келiсiмi бойынша қойма және касса тораптары бар Ұлттық мемлекеттiк банкiнiң есептеу-кассалық орталықтарын орналастыру үшiн қажеттi алаң жалға берiлсiн;

- акционерлiк коммерциялық "Кредәлеуметбанк" банкiсiнен Алматы қаласындағы Калинин және Алатау филиалдары, Қарағанды қаласындағы Киров филиалы және Семей қаласындағы Киров филиалы;

Жезқазған облысының Сәтбаев қаласында қойма және касса тораптары бар есептеу-кассалық орталықтарын орналастыруға қажеттi алаң Қазақстан Республикасының Ұлттық мемлекеттiк банкiсiне жалға берiлсiн.

- акционерлiк-коммерциялық "Тұранбанк" банкiсiнен - Маңғыстау облысының Ақтау қаласындағы филиалы.

"Тұранбанк" акционерлiк-коммерциялық банкiнiң қызмет үйлерi ғана орналасқан қалалар мен аудандарда Мемлекеттiк бюджеттiң банкiлераралық есептеулер мен кассалық орындалуын қамтамасыз ету үшiн қойма және касса тораптары бар Қазақстан

Республикасы Ұлттық банкінің есептеу-кассалық орталықтарын орналастыруға қажетті алаң берілетін болсын;

- Алматы облысының селолық аудандарында орналасқан "Алтындәнбанктің" филиалдары;

- Қаскелең аймақтық акционерлік коммерциялық агроөнеркәсіпбанкінің үйі.

3. Қазақстан Республикасының Ұлттық мемлекеттік банкіне екі апта ішінде барлық аудандарда, қалаларда, облыс орталықтары мен Алматы қаласындағы қалалық аудандарында Мемлекеттік бюджеттің банкілераралық есептеулерін, кассалық орындалуын, коммерциялық банктер және бюджеттік ұйымдар мен мекемелерді кассалық қамтуды қамтамасыз ететін есептеу-кассалық орталықтарын құру ұсынылсын .

Жаңадан қабылданған үйлерде коммерциялық банктерді орналастыруға қажетті алаң жалға беріліп, олардың жұмыс істеуіне қажетті жағдайлар жасалсын.

4. Қазақстан Республикасының Қаржы министрлігі бір ай ішінде бюджеттік мекемелердің барлық шоттарын қамту үшін Қазақстан Республикасы Ұлттық мемлекеттік банкінің есептеу-кассалық орталықтарына көшіретін болсын.

5. Облаткомдар, Алматы, Ленинск қалааткомдары Қазақстан Республикасының Ұлттық мемлекеттік банкісінің облыстық басқармаларына есептеу-кассалық орталықтар құру, оларды орналастыру және қажетті материалдық ресурстармен қамтамасыз ету жөнінде қажетті көмек көрсететін болсын.

Қазақстан Республикасының
Премьер-министрі